


Anpao Kin.

THE DAYBREAK.

"Wankantanhan Anpao kin hiyounhipi."—Luke 1. 78.

VOL. XVI

FOREST CITY, SO. DAK., SEPTEMBER, 1900.



ANPAO KIN.

REV. E. ASHLEY
REV. W. J. CLEVELAND } Editors

ANPAO KIN wi iyohina, wiyawapi anpetu tokaheya eca mazaakdirpeyapi.

WI XAKPE on kapi, qa wi iyohina akezaptan (15) aokpani xni, ptayena partapi, wicacaje wanjina ekta hiynkiyapi kta cinpi kinhan, icupi kin iyohina kaxpapi wanji (10c) on kajupupi kta.

WIXAKPE on kapi, qa wi iyohina wanjina icupi kta cinpi kin, kaxpapi wanji sanm okise (15) on kajupupi kta.

Icupi xni itokab kdajupupi kta.

Wowapi askabyapi maxaxana wanji qaix nonpa owapi kin, mazaska eekiya, ANPAO KIN opeton okilipi kta.

Tuwa wowapi kagin kte ca wowapi skasani el owa kta.

Opetonpi kta wowapi hiyakiyapi qaix ed taku oyakapi kta cinpi na hiynkiyapi ca, wowapi ojuha akand deced owapi kta.

REV. E. ASHLEY,
CHEYENNE RIVER AGENCY, S. D.

Yawaxteya Cajeyatapi Wowapi Wan.

ANPAO KIN icikoyagunyanpi qa wicetan waxte econ iyounpaxtakapi kta wookilipi yuha. Okolakiciye-wakan opapi tka abebeya tipi kin, hena iyotan taokiye waxte heca kta. Bixop, waun kin, eciyatanhan, taku ecamon onxpaxpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena, qa nakun Okolakiciyewakan kin wotanin tawa toktokeca ed kagapi kta. Oyate unkitawapi kin owasin ANPAO KIN icupi qa sanm wicaxa tokeca wicacupi nin ecanini.

W. H. HARE,
Yewicaxipi, Bixop

ABLEZA POI

Sioux Falls, S. D.,

June 1, 1900.

Tokata St. Matthew Taanpetu, September 21, 1900, Cheyenne River Agency (Holwoju), S. D., ekta na Ascension wocekiye oyanke el, Hinhan wakpa iyohiloke cin ikiyela, Niobrara Convocation kin himniciyapi kta e le eciyatanhan wicakicopi.

W. H. Hare,
Attest: Wm. Holmes, Bishop.
Secretary.

Tokata September wi wiyawapi 21 kin hetanhan Niobrara Convocation mniciyapi kte cin yaotaninpi kin on, icunhan St. Andrew Sunkakiciyapi kin etanhan Provincial Chapter kin is eya mniciyapi kta ca le eciyatanhan wicakiyaotaninpi.

September 22d hihanna 6:30 kinhan, Ascension Tipi Wakan kin el, tona St. Andrew Sunkakiciyapi opapi kin, ptayela Wotapi wakan icupi kta na icunhan Baptisma wakan wojiconza kin na Sunkakiciyapi kin on piya, wacinyan na yatinsya iciconzapi kta ca wicakicopi.

E. Ashley,
Prov. Chap. Itancan

Provincial Chapter el Takuku iwoglakapi kte cin.

1. Sunkakiciyapi kin taku on wasake sni na taku on wasakin kta he.

2. Tona St. Andrew Sunkakiciyapi el opapi kin woimagaga obe tona elipeyapi, nais tona gluhapi kta iyececa he.

3. Provincial Chapter etan Chapter hiyece cin, Koskalaka wan iyaza omani kta e heca yuhapi kta nais yuhapi kte sni he.

4. "Okolakiciye Wakan owancaya (Catholic) kin" he tokel kapi he.

5. Wawiyutanye cin he tuwa towasake on iyutanwicaya he.

6. Sunkakiciyapi opapi kin takuku yatinsya onspepi kta iyececa he.

OKOLAKICIYE WAKAN WOTANIN.

Watertown, S. D. el Wicasa wakan tokeca wan Rev. Mr. Campbell eciyapi kin he yuhapi.

Rev. Mr. McKaye eciyapi kin he Aberdeen el onnye ca Redfield na Gettysburg otowwe kin hena awanyaka.

Rev. Charles E. Snavely, tuwa Oglalata un qon na Wyoming ekta kigle con, he ake South Dakota obaspe kin el gli na Lead City, S. D. hel hiyotanka ce eyapi.

Minnesota obaspe nom yuhapi kin, he iwaziyata yanke cin he Duluth yewicaxipi obaspe kin ee, ca Raratonwan (Chippewa) ewicakiyapi kin he el opapi. Iyunkan waniyetu ota Rev. J. A. Gilfillan awanwicayake cin he enakiya, na wanji tokeca, Rev. T. H. M. V. Appleby eciyapi wanna awanwicayake.

Bishop Gilbert te cin on wokiksuye wanjikji kagapi kta cinpi. Wanji lila kuwapi kin he, Faribault (Ale otowwe) el wicasa wakan owayawa he cin he on sanpa iyoopin kta e mazaska 30,000 mnayanpi kta cinpi.

Okolakiciye wakan el makao baspe nonpa, wanji Diocese eyapi, na unma Missionary Jurisdiction eyapi. Obaspe unkitawapi kin inonpa heca na nahalcin oicihi sni lakaš Yewicaxipi omniciye kin he onkiyapi ece tka. Diocese kin he oicihi kecanwicakinpi lakaš tawaicayapi na Bishop yuhapi kin te canna tuwa tohe el najin kta e tokeca wan glalinigapi ece. Hececa esa Diocese ota owicakiyapi kta e Yewicaxipi omniciye kin mazaska wicacupi omaka iyohi. Yunkan lecala omniciye kin he mazaska aokpaniyan wicacupi kta yuŕtanpi. Tuktel mazaska wanji wicacupi,

kin kaxpapi nom eglakupi kta na le omaka iyohila hecel econpi kta ecel omaka zaptan ohanketa Diocese kin hena Yewicaxipi tamazaska on owicakiyapi kte sni iciconzapi.

Omaka iyohi Diocese tona owicakiyapi qon mazaska 75,000 omaka iyohi wicakipamnpi, na wanna aokpani wicacupi kte cin eciyatanhan mazaska 12,000 kpatanpi na hena Cuba, Porto Rico na Philippine wita ektakta yewicaxipi kin on ilagiyapi kta naceca. Diocese unpi kin lecel mazaska wicakigluzapi kte cin ota iyokipipi sni. Eya wicasa na winyan, wakanheja ko tokel okihihi kin ognayan kicunpi unkanš lila ota kta, cinpi kin isanpa, na hecel kowakata nais tiyata yewicaxipi kin takunni icakijin kte sni tka. Ito taku kin le Lakota oyate kin tona "Christ wacinyanpi na iye tawawicaye iglawapi oglakapi kin" lila awacinpi na wawokiyapi kta iyececa.

North Dakota obaspe kin el Thos. Paseca Ashley wanna Deacon kagapi na Inyanwakagapi el wowaši econsihi. Tipi wakan el he cin nakun apiyapi na tanyan yuŕtanpi keyapi.

Alabama obaspe kin el Bishop ookiye wan kalnigapi qon he yuwakanpi sni ecel tani kin - Bishop Wilmer eciyapi kin - he te na on otohanyan sna Bishop nicapi. Qeyas itahena unma kin yuwakanpi na wana obaspe kin ataya on Bishop heca.

Pennsylvania obaspe kin etanhan Layman wanji lecala te, he Mr. James Biddle eciyapi. Wicasa kin le Okolakiciye el lila škan ece na tanyan econ kin on waniyetu ota ataya omniciye tanka kin opa tka.

New York otowwe kin el Wicasa wakan wan okinihan lica nakun te, he Rev. Heman Dyer eciyapi. Wanna waniyetu wicemna napciyunka hehan te. Wicasa kin le lila okalniga na ksapa cancel ohinni wacinyanpi na takuku wiyungapi ece. Tohinni omaka 1873 he ehan Kansas el Bishop un kta ca kalnigapi tka onšiciye lakaš wicala sni. Hececa keš ohinni kinihanpi ece.

Western Texas Yewicaxipi obaspe kin he tokata 1901 omaka kin San Francisco el Ataya omniciye econpi kte cin el Diocese heca kta igluwiyeya keyapi.

China makoce kin el lila otelika na "Boxer" ewicakiyapi kin Wicasa wakan na Pecokanhanška oyate etanhan Christian hecapi ota wicaktepi kin on, makoce kin he itogata hel Bishop Graves unkitawapi kin winyan tona wowaši wicayuhe cin hena nipi kta ca

Japan makoce kin ekta yewicaxi. Tokša wokicize kin ayuŕtanpi canna ake ekta glapi kta. Okililaton kin le akisnpi eca hehan China makoce kin el yewicaxipi wicohan kin akiglegle škanpica kta kecinpi.

Bishop Doane na Dudley tuwa Saglašata Yewicaxipi omniciye wan ehanni 1701 el kagapi kin on wokiksuye econpi kin ekta yewicaxipi kin wanna glipi. Heciya hipi kin lila omniciye tanka na oiyokipi econpi na Bishop lenios otakiya woglakapi na taku tona eyapi kin iyuškinyan nalionpi ca atanin.

Rev. P. C. Wolcott, tuwa ehanni Rev. H. Burt (Iglake sa) Oglalata kici un qon, na lehan Chicaga obaspe el un kin, he lecala Bishop tawa kin kici miniwanca kowakata icimani iyaye. Saglaš makoce kin ekta Owayawa wankantuya yuhapi kin na otowwe tanka kin hena iyaza wanyag emanipi kta eyapi.

Mexico makoce kin ekta Yewicaxipi on lila tanyan econpi. Lecala ataya omniciye econpi na icunhan wicohan tawapi kin iyopte icaga ca yaotaninpi. Wicasa wakan heciya škanpi kin iyuha Mexican hecapi na Bishop heca yuhapi sni, tohinni wanji yuhapi tka enakiye, na itahena Milahanška Wasicun wakan wan, Dr. Forrester ekta un na tokel okihi owicakiye. Owekiniš tokata Bishop yuhapi kte cinhan is Mexican heca kta naceca, icin Oyate kin he Okolakiciye ataya tawaicayapi kta icagapi kta cinwicakiyapi.

October 10-14 kinhan Brotherhood of St. Andrew United States el un kin he Richmond, Va. ekta ataya omniciye econpi kta. Wana Chapter 1650 isanpapi hecel kalnili opapi kte cin lila otapi kta naceca.

Hehan Oct. 23, 24 na 25 icunhan Louisville, Kentucky ekta Missionary Council (Yewicaxipi on Omniciye) kin he mniciyapi kta na wanna takuku yuwiyeya škanpi.

Ohio makopaspe ekta ohinni taspan ota icahiyapi sa tka le bloketu icage cin isnala lila ota na waŕteŕte keyapi.

Montana makopaspe ekta, Maga Ska Ble makoce kin hel constanta ileyapi yunkan wazi can na hante waŕteŕte woju iyutapi woyawa tanka ota ataya ahulinaga. Lila maŕte na puze cin on ohan koya ile, nahan tuktel asnikiyapi keš ake tokan piya ile keyapi.

Le bloketu kin makoce otan kaya lila puza canke peji otelikin kta iteka.

THE DAYBREAK.

REV. E. ASHLEY
REV. W. J. CLEVELAND } Editors

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to.

REV. E. ASHLEY,
Cheyenne River Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

OKOLAKICIYE WAKAN WIYAWAPI KIN

SEPTEMBER WI KIN

2. Yamni ohakab Anpetu Wakan Iakenonpa.....To
9. Yamni ohakab Anpetu Wakan Iakeyamni.....To
16. Yamni ohakab Anpetu Wakan Iaketopa.....To
21. St. Matthew Wahošiyē kin Taanpetu.....Ša
- (Le anpetu kin Convocation eyotankin kta.)
- 22 & 23. Convocation
23. Yamni ohakab Anpetu Wakan Iakezaptan.....To
29. St. Michael na Ogligle ayasin.....Ška
30. Yamni ohakab Anpetu Wakan Iakešakpe.....To

Wotanin-wašte Ayapi On Wocekiye.

Anpetu iyohi wicokaya he cin ehan ayapi kta:

Wanikiya wašte isto wacantkiya nitawa kdugad, canicipawega akan otkeyahan yaun tka qon, maka akan wicaša un kin owasin Niye ekta etonwanpi qa niwiciayapi nunwe. Amen.

Okolakiciye Wakan Wiwacawangapi kin.

St. Michael na Ogligle Wakan ayasin

W. St. Michael na Ogligle Wakan ayasin wokiksuye cin tohan-tu he.

A. September wi wiyawapi 29 hehantu.

W. Michael kin on Wowapi wakan taku eya he. Wayuotanin 12: 7, 9.

A. Michael na Ogligle tawa kin, wanbluška kin, Wakanšica na Satan eciyapi kin, kiei kiezapi, na wanbluška na tona ookiyewicaye cin, malpiya etanhan tankan ekpewicayapi.

W. Judas tawowapi kin oegle

inapeiyunka el Michael on tokel eyapi he.

A. He el Ogligle itancan heca, na Moses tancan kin on Wakanšica kici akinica qonhan, waoste-gla woiyaonpe eciyin kta tawateleye šni eyapi.

W. Qeyaš, Michael, Wakanšica taku eciya he.

A. "Itancan kin iyopeniyan nunwe" eya. Judas o. 9.

W. Michael ohan kin etanhan taku unkonspepi kta he.

A. Icinšniyan eyapi kin itounpapi kta, na tuwa šicaya econ kin he Wakantanka el unkayuštanpi kta.

W. Icinšniyan eyapi kin he taku he.

A. Wicaša toktokeca wocaniye on, naiš iyukcan šni on eajewicayatapi kin he; woaie akta oyakapi, naiš woyakapi, wowicake iš wowienake šni eša, unkikiyela tipi kin wicunyašicapi kta unkoyakapi sa kin ee.

W. Waajijipi sa kin on tokel St. Paul eya he. Roma. 1: 28, 30, 32

A. Tona heconpi kin "wicotawacin walitešni kin el awicayuštanpi" nahan "wiconte iyagle-icijapi" keye.

W. Waajipi kin on tokel St. Paul eya he. 1 Korinth. 6: 10; Gal. 5: 20

A. "Tona witkopi sa" na "šice-kicilapi" "wawakipajinpi" econpi kin he Wakantanka tokiconze kin tawapi kte šni, keya.

W. Le on St. James (Jakob) tokel eya he. Jakob 1: 26

A. "Tuwa niyepi kin etanhan wooholapi kin el opa seca na ceji glaške šni kinhan... wooholapi ope ein he taku šni" eya.

W. Ogligle eyapi kin he taku he.

A. Wahošiyē wan he kapi. Wowapi wakan el, malpiya woniya wan, tuwa Wakantanka wahoši yeši, naiš tawacin econ kta yešipi kin he kapi.

W. Wowapi wakan el Ogligle touncagepi kin on tokel ayableza he.

A. Tancan kapojela na oniya se yuhapi, nahan wicaša ouncage iyecel iglutani okihihi kin he awableza. Wico. 19: 1

W. Tohinni Ogligle wicaša iye-celya taniničiyapi qon wanji omakiyaka ye.

A. Tohowin Ogligle nom, wicašapi se Lot el iglutanihi, na Sodom otonwe ihangyapi kta ein okiyakapi qon "wowicakihan iyunkan yutapi."

W. Ogligle wan Hagar el iglutani qon he oyaka ye.

A. "Iyunkan Jehowa taogligle wan Hagar tinta el iyeya, mini-łloka wan ikiyela" na kici wo-glaka. Wico. 16: 7

W. Wicoicage wowapi 32: 1 el Jakob on taku eyapi he.

A. Jakob tacanku ogra iyaye ca Wakantanka ogligle tawa itko-kim hipi."

W. Wicayawapi wowapi 22:

31 el Balaam on tokel eyapi he.

A. Balaam "Jehowa ogligle canku onajin wanyaka" eyapi.

W. Ogligle tuwa na taku on Daniel el iglutani he. Dan. 9: 21, 22

A. Ogligle "Gabriel" eciyapi, na wokašinige woksape ko qu kta hi kin hee.

W. St. Peter wicakaška tipi etanhan tokel eyakupi he. Olan. 12: 7

A. Jehowa ogligle tawa kin mazaicicahala kiyušloke, wica-kaška tipi tiyopa kin kiciyuza-mni, na zaniyan tankal aya.

W. Wowapi wakan el ogligle taku yuhapi eyapi he.

A. Wowasake, woslolye, woksape, woecela na wowakan el wašakapi; heon etanhan "Ogligle wakan" ewicakiyapi ece.

Wowapi wakan yawapi wawokiya.

IV. -- Idumea Antipater wokiconze, na Herod tawa kin. B. C. 63-4

1. Herod ospaye icagapi kin. Antipater hecel wowasake icu kin on, iye iwašte kta ca ilagye, na tokel okihi kin Roma oitan-canpi kin otakolawicaye. Tohinni Julius Caesar, Egypt ekta hi na Alexander el wokicize econ qon he okiya, na heon B. C. 47 he ehan Roman citizen heca kagapi, nahan Judaea makoe kin ataya awanyakin kta ca kiyuštanpi. Lecel wowasake yuhe cin eciyatanhan iye oinhintku haka-hta, Herod eciyapi kin, he Galilee makaokaške kin el itancan kta e kalniga; na ohakab B. C. 43 atkuku pejihuta šica on ktepi na Herod isala un eša, wayupi-ya škiciye cankel Mark Antony na Octavius (Roma itancanpi kin) lila kolawicaye, hecel B. C. 40 el Judaea ataya wicašayatapi kta e kalnigapi. Omaka B. C. 37 Roma akieita okiyapi kin eciya-tanhan on Jerusalem otonwe kin ohiye ca Asmonaen itancan ehake cin, Antigonus eciyapi qon he yuju, tka tojanku Marimne eciya-pi, Hyrcanus wošna kaga itancan qon takojakpaku kin, he yuze, ca wanna Roma oyate ihukuya wicašayatapi itancan heca ecel un. Tonpi kin eciyatanhan Idumea wicaša heca, woohola yuhe cin on Juda wicaša iglawe, na tanka kta ca Roma wicaša kagapi, na on-spekiyapi na cin kin eciyatanhan Greek heca, na lena on tokel okihika, Juda na Greek wicaša awanwicayake cin okiwanjipila kta ca lila škan. Zion paha akan tipi wan teca tanka icicaga, otonwe conkaške kin sam wan-kantuya kaga, na tuktel wankala hecinhan yusuta; Tipi Wakan (Temple) kin ake piya na lila ayucoya kaga, na timahel wošna kaga oyanke kin iye kagapi kta owinwicakiye eša, iye iyatayela Ikcewicasa oinajin tawapi kage ein-omanipi kin na waboslata he cin yupiya kaga, ecin amanipi kin inyan waštešte (marble) on

eonpe, nahan tiyopa tona waštešte kage, etanhan wanji "Solomon ohanziglepi" (John 10:23) na wanji "Tiyopa wašte" (Olan. 3:2) ewicakiyapi.

2. Herod waonsilašni oħanye cin. Herod wowasake yuhe cin on tokel okihi škan eša, Juda na Ikcewicasa tawawicaye cin hena iyokipiwicaye okihi šni. Iye toni na tohan kin eciyatanhan on iglutokanpi. Iye tiwahe kin el otakiye tinlwicakte econ. Taku-wicaye, kolawicaye na ikiyela unpi, wicaška, winyan ko, iya-wicaonpe picapi šni eša owecinhan tokel cin kin wicakte. Wicaška qon na wokiconze sam tanka igluha kta okihi šni atanin kin on, ignuhala taku on etanhan šni wicota wicakte sa. Omaka B.C. 4 Jeriko el yanke icunhan tanmahel woyazan šica on ta, tka te šni ikokab wicohān šica, woeccon ekta šni kin on woohola yuju, wošna kagapi kin wicayusi-ca, wicaša okinihan wicakte, na wicohān toktokeca škica econ kin on makoe tawa kin Roma oyate etkiya wiyopeye.

3. Heon Juda oyate itokecapi. Juda oyate kin ocib wokiconze on tawaciayapi šni kin on tanyanpi šni. Tawawicaye cin toopepi, na womnaye ocaje, woeccon toktokeca ahipi na econwicakiyapi kin lila icanzepe na waki-pajinpi, na isakib sanpa na sanpa oyate tokeca iyowajašni icilapi, na igluwankantuyapi na wahanicilapi icunhan, tam woowotanla tawapi kin icinšniyan awacinpi ece. Woope tawapi kin icinšniyan waonspepi na tokel kapi kecinpi ogra kitampi; wokcanpi kin taku kapi kecinpi kin he eciya-tanhan yuecotupi kta awacinpi, na wakan cekiyapi el woeccon toktokeca ical škanpi. Wanna Pharisees, na Wowapi kagapi kin, na Woope ajapi kin hena iyotanwicayawapi, na Wošna kagapi, Lewi ko aoptelwicaye, na woon-spe yuhapi kin, ikceoyakapi na waakinicapi on yuhapi cankel wookihi yašinysa takum yuhapi šni.

Niobrara Denary ed St. Andrew's Sunkakiciyapi, Provincial Chapter un he Rev. E. Ashley, Thanktonwan oyanke ed chapter unpi he tipi wan icicagapi wan kduštanpi heon ed May 22, 1900, omateye econpi kta wašte eya, qa wowapi-kaga he chapter tona Dakota ohan unpi hena wowapi wicaqu qa he anpetu, litayetu 8 P.M., Itancan lice cin hi šni, Rev. E. Ashley, tka Iyokihe Louie Claymore ed un heon omničiyē econpi kta eyapi qa tokaheya Mr. Holmes wocekiye on omničiyē yugan, wacajeyatapi qa Isanyati tipi etanhan 9 hipi qa Thanktonwan tipi etanhan iš 19 opapi qa Rev. Budlong iš Springfield, S. D., etanhan hi, he State de ed Sunkakiciyapi unpi ataya on wocin yupiya kaga, ecin amanipi unkan tukte etu ešaš heca omni-

ciye econpi can iyokipi qa ed opeya škan kta cin ecee keya, eya wicoľan de wašicun mako- bašpe de ed heca opapi kin tan- yan škanpi šni qa Dakota ee tanyeli škanpi abdeza keya. Tu- kted ptaya škanpi hed wowašake yukan tka tukted kicipajinpi hed wowašake wanica ce eya. Onge niš eya ded henicecapi nawali- on ešaš to he iwowakdakin kte šni tka ee, taku on koška omniciye de kagapi he unkabdezapi huwo? Tona tawoope qeya ed unkičicon- zapi hena eced econqonpi huwo? Qa anpetu iyohi Christ Tokicon- ze kin icagin kta e on wocekiye unkeyapi ecee huwo? Hehan anpetu iyohi, otoiyoľi miye on icagin kta, unkecinpi šni huwo? Qa tona anpetu iyohi omaunnipi qa tuwe keceyaš wanunyakapi can toked ob wounkdakapi qa nagipi kin on iwounkdakapi šni sece, qaiš wacekiye uwicaunšipi qa tohand hipi can hehanyena ed ewicauntonwanpi šni wašte sece, hiya atabya wicaunqonpi qa eced unkitawicoľanpi eced unkdušan- pi kta. Dakota chapter nom tankinkinyan wicikiyena waun heon ito niyepi wanji iyeced ma- yadawapi wacin, wicoľan de okna waškan qa minagi wašewakida iyeced bdawa qa eced wicaša wa- kan tawicoľan iyowališpabda, heon tohantu qeyaš nakun taku epin kta wiyeya waun, heon 'Ta- ku-Wakan unkicipi un,' eya.

Mr. Holmes he ito Mr. Bud- long tohanyan omniciye econpi hehanyan ijiya opeya caje owapi qa škan kta cajeyata qa Mr. Goodteacher he okiya qa nakun iapi waštešte wicaqu heon pidapi wašte eya, qa he okna yušanpi.

Mr. Goodteacher he wana taku iwokdakapi kta hena cajeyatapi wašte eya, qa to iye tukte yuha hecinhan he caje kdatin kta keya- pi qa he dee: "Sunkakiciyapi ta- ku on wašake šni qa taku on wa- šakin kta he?"

Holy Fellowship Chapter ed opapi ota waniyetu wanji, nonpa hehan omniciye ed awicaupi cinpi ešaš okihi pi šni heon Committee wan kaľnigapi qa he tanyan iwanyag aupi qa eced wicacaje 14 wicapajupui, unkan hehand nakaha iyokikipi šni, ešaš uman- pi hena sutaya najinpi heon ake omniciye tanyan aya keya, eya hekta heehan onge toked okihi- pika aičiciya tanyan škanpi eša onge iš tanyan škanpi šni heon ogejuya tanyan omniciye iča- je wicayatapi šni heon de heced econpi keya.

S. C. DeFond iš de taku kin chapter wanjina ed wocon heon ataya omniciye wan ed cajeyadpi- ca šni qa iš on tukte oknayan woope akaľpica šni, tka iyepi eka ijiya taku deca yuhapi hantanhanš chapter tawapi ed iwokdakapi qa tukte okna wašte iyukeanpi kin okna kdušanpi kta iyeececa keya.

Mr. Holmes taku kin de iyece- ca seeca wan cajeyatapi kta yuha hipi, tka eya wana tukte okna kta iyececa seeca ešaš, ito de on wowapi wan General Secretary kin wicaqu he yawapi cin kta keya. Mr. Budlong iš de wana taku kin hehanyena eyapi wašte keya, cin deced econpi he tanyan econpi, qa de wicoľan kin chapter owasin econ aupi keya. Wicaša conana tanyan škanpi hee wašte qa 50 tanyan škanpi šni hee tan- yan šni, qa wicaša ota ope wica- yapi kte ľicin heon tanyan šni ce eya, qa onge ilpewicayapi qa heon tanyan hantanhanš ake onge ilpewicayapi qa tona tan- yan škanpi henana caje wicayu- hapi kinhan he wašte kta ce eya.

Enakiyapi kta cajeyatapi qa okicipi heon dowanpi qa ena- kiyapi.

May 23rd, 1900, hinhanha he ed ake omniciye qa Itancan kin Rev. Goodteacher wocekiye econ- ši, qa yušan hehand omniciye yugan, wacajeyatapi qa hehand wocon yawapi qa hehand taku tona iwokdakapi kta yuha hipi hena oyakapi. Mr. Holmes he opa ikdajupui okihi pi qaiš okihi- pi šni he cajeyata, qa etanhanna wowapi wan General Secretary deon wicaqu he yawapi qa un wowiwange wan kagapi he iwo- kdakapi, unkan Mr. Holmes he de heced econpica šni, wicaša ota ptayena ilpewicayapi, iyecetu šni ce eya, tka Mr. Goodteacher iš hecetu e econpi da keya, qa wo- šnakaga tawapi kin nakun hecetu wicakicida heon hecetu da keya. Mr. Budlong iš wana de taku kin yušanpi heon sanpa iwokdakapi iyecetu šni keya, qa itancan kin heon iwicawanga qa he henana iwokdakapi kta yušanpi. Wana wicokanhiyaya heced koška ded unpi he hipi wotapi wan wicaki- cagapi he eka owasin wodai, qa wicokanhiyaya sanpa 2:30 P. M., tipi wakan ed pteyena omnici- ye econpi qa ed Rev. J. W. Cook nom ičicons ope- wicaya, John Tuttle qa Bap- tiste Archambeau henaazapi. 3 P. M. Koška Omniciye Tipi ed ake Itancan omniciye yu- gan qa ed Mr. John Kelear he ake ľitayetu kinhan owasin wotapi kta yaotanin, hehand Mr. Holmes iš hinhanha wihiyayena 9 A.M., kinhan tipi wakan okna wotapi-wakan Sunkakiciyapi o- papi owasin wicaqupi kta he ya- otanin, nakun nom decena ičicon- zapi henaos caje owicawapi kta qa wayušan opapi kta eya qa he- cetu dapi qa owicawapi.

Koška wanji Sunkakiciyapi iya- za oman kta cinpi he cajeyatapi, tka S. C. DeFond he to taku kin de eyepica qaiš eyepica šni hecin- han he tokaheya yušanpi iyecetu keya, qa Mr. Goodteacher he ki- knakapi qa Omniciye tanka ed eyapi kta cajeyata, qa he okna yušanpi.

Rtayetu wota ayušanpi hehan ake omniciye qa itancan Mr. Holmes wocekiye econši hehan oiyokipiya Sunkakiciyapi Tado- wan ehunnipi hehan ake omnici- ye yugan, qa wacajeyatapi qa wocon yawapi qa hecetu dapi. S. C. DeFond he mazaska awan-

yaka etanhan wicayuhapi kta eyapi he wana eyapi wašte eya, qa nakunš to Dakota Wicaša Wa- kan on wana dehand wamnanyan- pi wašte eya qa okiyapi qa omni- ciye yankapi kin ed \$2.11 mnan- yanpi. Hehan chapter ecekeed Dakota Wicaša Wakan on wa- mnanyan unpi hena Convocation eka iye iyadyatayena tona mnan- yanpi kin kdoipi kta eyapi qa he- ced yušanpi.

Mr. Holmes he ehanna Isanya- ti tipi ed omniciye qa Sunkakici- yapi Wotanin wowapi yuhapi kta cajyatapi qa un Committee wan kaľnigapi qon he wanji hi he cajeyata cin, tka umanpi kin takuna on iknupi šni yedaka takeyapi šni heon toked takuna yušanpi šni keya. Mr. Good- teacher he nonpakiya omniciye ed caje yanka heon ito Isanyati tipi ed chapter oitancanpi kin hipi heon transfer iyeyapi cin qa Mr. Chapman woiyowinkiye qu heced detanhan Holy Fellowship Chapter ed eceena caje unkta kiciyušanpi.

Hehan Baptiste Archambeau qa John Tuttle kici decana ič- icons opapi kin on wowiyuškin yuhapi kin caje kdatapi qa nakun opapi owasin iwicakiciyuškinpi on nape wicayuzapi.

Hehan Mr. Chapman qa Mr. Redowl henaos iš ded wicakicopi qa tanyan wicakuwapi heon wo- pida eyapi cinpi qa tona ob hipi hena owasin najinpi. Mr. Red- owl he iš tipi wan koška omnici- ye kdušanpi qa ed okna oiyoki- piya omniciye econpi he piwica- kicida keya. Mr. Budlong iš winyan wašpanyanpi hena wopi- da ewicakiyapi iyecetu cajeyata qa okiyapi qa owasin wopida eya- pi on najinpi.

Mr. Goodteacher he Wakpaipa- kšan ed chapter icaliyapi kta cin- pi qa eka yešipi heon wopida ewicakiciyapi iyecetu keya qa he okna yušanpi. Hehan womnan- ye \$2.11 he Mr. Ross Isanyati tipi ed Dakota Wicaša Wakan ta- womnanye awanyake yuhapi kin he hena yuha un kta eyapi qa he- ced yušanpi.

S. C. DeFond he enakiyapi šni eced ake Mr. Budlong wokdakin kta cin keya cajeyata qa okiyapi. John Tuttle he to tuwe wan Sunkakiciyapi opa qa enakiya cin kinhan he Baptisma iyeececa he? eya, unkan Mr. Budlong he iyeececa šni ce eya. Hehan sanpa wokdake qa tukte okna omniciye ocon can wašte hena oyaka, qa wicaša iyohi tuwe wan wanyag ši pi qa oyasin owa wicakiciyuha- pi qa eced econpi qaiš eced econpi šni he šdodwicakiciyapi iyecetu keya, qa nakun ikceya qeyaš wi- caša wicakicopi qa ob wokdakapi ecee iyecetu keya.

Oiyokipiya omniciye škanpi qeyaš wanna Convocation šni he- hanyan ekiknakapi kta cajeyata- pi qa he okna yušanpi. Dowan- pi qa enakiyapi.

S. C. DeFond,
Secretary.
Greenwood, S. D., July 16, 1900

Rosebud Agency eka St. An- drew Sunkakiciyapi oaleka wan wanna yuhapi - Chapter No. 1650. Oitancanpi kin: Louis Dorian, President; Samuel Bordeaux, Sec- retary; na James Clairmont, Treasurer. Ho Chapter tona tani ounpapi kin le opapi kin ob cantewaste ya napewicunyuza pi. P. C. I.

Anpao kin:-

Bloketu ota Hol- iwoju oyanke el oyate unqonpi kin taku wan tehan unkablezapi šni selececa, anpetu wan Fourth of July eciyapi kin he. Heon hekta April wi icunhan woawacin wanji el mahi na ito anpetu kin el taku econqonpi wacin canke kola- wicawaye cin wanjigji ob wowe- ciglake na hecetulapi.

Omniciye wan unkagapi na Šungska oyanke el econpi kta yušanpi; yukan wanjigji heya- pi, "Hol!" okihi pi šni ce, na el ewacinpi šni. Tka hecel yuha iyounptapi na wana ehan unhipi na tanyan wacconpi kecanmi ye lo. Taku kin le Lakota oyate iye iyatayela otokaheya yuhapi na he kiksuyepica. Wicaša ota el ahi, okinni koktopawinge wanji sam opawinge yamni sam iyayapi na- ceca, Kangi wicaša qeya ko, tka wanji iyotan unkiyopeya un na on piunlapi kin he, Rev. P. J. Deloria, Inyan woslahan etanhan kin hee.

Anpetu okinihan kin ataya wo- econ wašte waliwala kin hena on iyokipičiyapi. Hinhanha kin el Walipe-ohanzi-glepi tanka el o- yate iyuha ai na el wocekiye eca- mon na inš Rev. Mr. Deloria wo- wahokonkiye eye, na he ohakab anpetu on wooglake eyapi kta owa yanke cin ecekeel škanpi na he icunhan olowan tawa kin hena wašicun iapi ogna ahiyayapi can- kel iyokipi tanka. Wicokan kan- yela hehan tona hi okihi kin oya- sin wotapi el opapi, taku oyasin wicaša iyokipi kte cin hena ecel econpi. Hehan wicokan sam iyaye hehan wicoškate tona ka- ľnigapi kin hena ogna škanpi na ecel asnikiyapi, na hehanpi eka peta on wocon kin he nakun tanyan pazopi.

Ihinhanha kin el tona ihunni- yanpi šni qon hena ihunnikiyapi na ake wotapi kin he econpi. Mr. Benj. Zimmerman na Paddy Miller oitancanpi na lila blihela škanpi. Mr. Paddy Miller ake pilaunyanpi lo. Okolakiciye wa- kan etkiya wicaša kin le mazaska on wawokiya sa ye lo, yukan ake lehan mazaska wikcemna Yewi- cašipi etkiya wawokiyewicaki- ye lo.

Ho tuwe keceyaš lila iyokipiya wicoľan kin le ihunnikiyapi ke- canmi. Tka taku wan iyotan on piwala kin he lee: okinni yukan naceca yeša otanin šui, mini- wa- kan cola econpi selececa ye laka tuweni itomni wanblake šni, ecin tuwa hecon kin ohounłapi kte šni tka yelo, na nakun tuweni el wo- šice šni.

Ho mitakuyepi, woblake cin le taku kin wana unkablezapi wašte. Fourth of July icunhanšna ito- mničiyapi na wicakizapi, anpetu tuweni tawa šni ce eyapi na he icunhan nakun Lakota oyatepi hekta wicoľan tawapi kin on wai- kpazo wicakiyapi yuke kta hena econpica šni. Unkoyatepi kta uncinpi hecinhan na le oblake cin le ogna inšeya wacconpi he wašte nacece lo. Taku oyasin el wo- wacin wanji unyuhapi wašte. Tu- wa waawanyake Itancan heci he el wowašte unkilapi kte cin hee, he lila tanka woyuha isanpa kin he unkablezapi iyeececa.

Percy Philips,
Emanuel Church

WOTANIN IKCEKA.

Pahinsinte wakpala opaya na July wi ihanke ikiyela hehanl Clayton High Wolf he tunkanku na kunku kin nupin wicakute. Tunkanku, Wahacanka - wakuwa eciyapi qon, he hu sani wowege yunkan iecana, August 2nd, he ehanl ta. Kunku kin he isto sani wowehege eyaš nahanlein ni. Clayton oyuspapi šni ecel iyecinkala woju-wicaša hel yanke cin kici owakpamni iyayin na tokata aiapi kta ca on iei. Clayton tawicu kin he Wahacanka-wakuwa na tawicu kin cuwin-ikupi hecela kin hee, yunkan taku on wicakute kin he tuktel cin kin tigre na ekta tawicu gluha yankin kta okihišnikiyapi qon hee keya ške.

Italy makoce ekta wicašayata-pi kin, King Humbert eciyapi qon, he July 29 ehanl nalimale ktepi. Wicaša wan Angelo Bressi eciyapi hecon, tka taku on etanhan econ kin tanin šni. Icin wicašayatapi qon he lila wicaša wašte na taoyate tanyan wicayuha selececa tka. Ehanqon, oyate oyasin egna witkotkopika kin yukanpe lol.

Buffalo Bill, Pehin Hanska eciyapi, wapazopi tanka tawa kin tokiya mazacanku ogna ayapi yunka, kaptanyanpi. Wicaša wanjigji ontonwicayapi na wanji ktepi. Ktepi qon he wašicun.

Cuba wita kin etanhan Spanyo habwgunyanpi qon ehan-tanhan akicita unkitawapi kin ota ektana yankapi. Hena Cubans ewicakiyapi kin tokata, awicakeya tawaičiyapi kta ca on onspewicakiyapi kta ca he on nahanlein ihan, hel ounyapi. Icin, Cuba oyate kin ikce oyate hecapi šni qeyaš waniyetu ota Spanyo oyate wicahukul wayaka se unpi qon on eciyatanhan makoce gluha kta nahan woopie ieičagapi kta cin hena nahanlein on woksape kipiya yuhapi šni.

Cuba ekta wana oyate igluhapi kta iyececa ikiyela iwicakicihan Tunkanšilayapi iwicakiciyukan kin on oyate ataya omniciye kta ca ekta kalini opapi kta cin hena September 15th ehanl wicakalini-gapi kta wicakiciyustanpi. Ataya omniciye kin he Havanna ekta na November 5th he ehanl mniciyapi kta. Omniciye kin he ekta, taku yamni yustanpi kta cin lena ee: Constitution ogna oyate igluhapi kta cin he ieičagapi kta he, na tokatakiya United States kici tokel wolakota, yugin kta he, na oyate kin tokelkel oitanan yuhapi na wicakaliničigapi kta hee.

Cuba wita kin ekta makoce kin šakpe kiyušpapi. Okiyušpe kin hena United States ekta States (makopašpe) eciyapi kin iš eya iyececa, tka Province eciyapi. Hena ptayela oyate tawaičiya ieičagapi kta ca on ptanyetu kinhan Province otioyohi ekta oyate kin tokel otapi kin he iwanyag wicaša tona wicakaliničigapi na ataya omniciye kta cin ekta opawicakiyapi kta.

China, Pecokanhanška tama-koce kin, he ekta nahanlein toketu tanin šni. Otonwe itancan kin, Peking eciyapi, hel oyate

toktokeca etanhanhan wicaša na winyan unpi kin hena iyuha wicaktepi oyakapi qon he wicakapi šni wana tanin selececa; qeyaš nahanlein tanyan oslolyapi šni. Icinhan oyate tona wakiya - wicaša (Foreign Ministers ewicakiyapi) hel wicayuhapi kin oyasin tawicaša niwicakiyapi kta ca on akicita Peking ekta yewicayapi; tka aksaka Pecokanhanška lehan lila canzepika na Boxers ewicakiyapi kin lila owicakiya škanpi kin on etanhan oyate tokeca taakicita kin nahanlein otanwe itancan kin ekta ihunipi kta okihišni.

Oyate toktokeca ota taakicita kin lehanl Pecokanhanška tama-koce ekta unpi kin hena Pecokanhanška oyate ob kicizapi kta ca on heciya iyayapi šni. Boxers lila šilohanpi na tawicaša heciya unpi qon ota wicaktepi na icunhan Pecokanhanška oyate ayuštawicakiyapi šni kin on etanhan tona nahanlein nipi kin hena iwicakikeupi kta on ekta yewicašipi. Heceglala keš Pecokanhanška he okicahničigapi šni naceca on takpe wicahipi kecinpi yunkan hošti! lila nihincičiyapi. Oyate tokeca etanhan tona heciya unpi kin iyuha awicakšijapi yunkan oyasin wicaktepi kta keyapi; akicita qon hena Peking ekta ipi hantanhans. Yeša inihansni ekta yapi kta ške.

Cante-ohitika, Oglala oyanko etanhan Kangi wicaša tipi kin ekta icimani iyunkan ekta eta. August 9th ehanl tancan kin Oglalata aglipi.

Delaware makopašpe ekta lehanl taspan - hinšma lila ota icaliyapi canke wašakela kta iyececa.

Blockhan United States ataya kin taspan koka woyawa tanka wikcemna šakpe (60,000,000) wahecetuwiopeyapi, yunkan lehanl isanm iyeya ota ičege cin on etanhan oyate kin lila taspan yutapi kta iyececa.

Fourth of July skatapi qon icunhan United States kin ataya wicaša woyawa tanka wanji (1,000,000) wahecetuwicaktepi nainš ontonwicayapi, eya oyakapi.

MAKA OIUTEYA YANKAPI.

Board of Indian Commissioners, April, 1898, hehanl Ikcewicaša atewicayapi kin oyasin wotawapi wicaqupi na oyate awanyakapi kin hena tokelkel makoce gluha yankapi na kicanyanpi hecinhan iwicayungapi. Tokel ayuptapi qon hena ota lel pcepeelyela ieska oblakin kta. Lakota kin hena tokeya oblakin kta.

Oliwoju, S. D. ekta 1,370 etanhan tiwahe 107 makoce oiuteya yankapi na tankaya kicanyanpi.

Conkicakse, S. D. ekta wicaša 879 makoce icupi na hena oyasin makoce tawapi kin ektakta tipi, eyaš mini conala kin on etanhan maka kicanyanpi kin he lila eišila.

Devil's Lake, N. D. ekta wicaša unpi kin 1,168 na hena oyasin makoce gluha yankapi. Iyuha kinil makoce tawapi kin onšpa kicanyanpi.

Kulwicaša, Lower Brule, S. D. ekta wicaša 477 makoce icupi. Oyasin makoce tawapi kin ektakta etipi tka tuweni maka kican-

ye šni. Makoce tawapi kin waniyanpi icaliwicayapi kin hecela on wašte.

Rosebud Agency, S. D. ekta 2,856 lecala se makoce wicaqupi kin etanhan oyasin kinil makoce tawapi ektakta etipi yeša wicaša conala išnala iyohila wojuiyutapi cokeconala kicanyanpi.

Santee, Neb. ekta 800 makoce icupi, na hetanhan tiwahe 250 (iyuha kinil) makoce tawapi kin ektakta etipi na tiwahe iyohila wojuiyutapi 20 nainš isanm iye-ya, iyutapi 100 hehanyan, kicanyanpi.

Sisseton, S. D. ekta 1,980 makoce wicaqupi. Hena oyasin nonpakiya makoce wicaqupi; onšpa conšoka makoce heca na onšpa mini wanica tka waniyanpi icaliwicayapi on wašte heca. Oyasin kinil conšoka makoce tawapi kin ektakta na wojupi kin itehantanhani etipi. Maka kicanyanpi kin e lila conalapi.

Yankton Agency, S. D. ekta 2,612 makoce icupi. Oyasin kinil makoce tawapi kin ektakta etipi na hena yamni wicakiyušpapi kinhan hetanhan okaspe nonpa wahecetuw makoce kicanyanpi.

Inyan Woslahan, Standing Rock agency, S. D. nahan Pine Ridge agency, S. D. hena ektakta nahanlein tuweni makoce oiuteya yanke šni.

Šahiyela na Malpiyato, mašte makoce ekta unpi kin, 3,295 makoce icupi kin etanhan oyasin kinil makoce tawapi kin ektakta etipi na maka kicanyanpi.

Colville, Montana, ekta 600 makoce icupi na oyasin makoce tawapi kin ektakta etipi na okise wahecetuw maka kicanyanpi.

Green Bay, Wisconsin, ekta 1,519 makoce wicaqupi na hena ota makoce ektakta etipi ateyapi kin iyukean keya. Makoce tawapi kin can lila ota yunkan wojuiyutapi 4,000 wahecetuw kicanyanpi.

Kalamath, Oregon, ekta makoce wicaqupi na hetanhan šokela yamni wahecetuw makoce tawapi kin ektakta etipi na oyasin kinil makoce tawapi kin gluwaste škanpi.

La Pointe, Wisconsin, ekta 2,500 makoce wicaqupi na hetanhan tiwahe 542 makoce tawapi kin ektakta etipi na makoce wan lila conšoka ececa el cankagmunpi na wojupi cikicigala ieičagapi.

Pogeholoka (Nez Percés), Idaho, ekta 2,000 wahecetuw makoce wicaqupi na hetanhan 1,800 wahecetuw makoce tawapi kin ektakta etipi na tiwahe itancan kin oyasin kinil makoce kicanyanpi.

Omaha na Winnebagoes (Hotanke) hetanhan 1,915 makoce icupi na tiwahe kinhan 460 makoce tawapi kin ektakta etipi. Omaha kin iš makoce kitanna ota kicanyanpi tka Hotanke kin iš lila eišila kicanyanpi.

Pima agency, Arizona, ekta 331 makoce wicaqupi na hetanhan tiwahe kinhan 90 wahecetuw makoce tawapi ektakta etipi. Makoce kin he ijehan, aminitan sa kin on ekta etipi kta okikipe, qeyaš makoce tawapi kin šokela yamni wahecetuw kicanyanpi.

Ponca, Pawnee na Otoe makoce, mašte makoce ekta (Oklahoma heltu) 1,964 makoce wicaqupi na hetanhan tiwahe kinhan 266 makoce tawapi kin ektakta etipi na wojuiyutapi 4,314 kicanyanpi. Makoce icupi kin etanhan wojuiyutapi 90,000 wašicun, owicaqupi, tka heconpi kin tokel okihika šica iyeyapi.

Pottawatomie makoce, Kansas, ekta 1,066 makoce wicaqupi kin oyasin kinil makoce tawapi kin ektakta etipi yunkan makoce kin wikcemna nonpa kiyušpapi kinhan hetanhan okaspe wanji wahecetuw kicanyanpi. Makoce icupi kin he ataya wikcemna kiyušpapi kinhan hetanhan okaspe napciyunka wahecetuw wašicun el wojupi kta ca on owicaqupi.

Pueblo na Jicarilla oyatepi kin 848 makoce wicaqupi. Hetanhan okise wahecetuw makoce tawapi kin ektakta etipi na hena iyohila wojuiyutapi nonpa wahecetuw kicanyanpi. Tamakoce ekta mini owahinape conala kin on makoce oiuteya wicaqupi kin he lila tanyan šni.

Quapaw agency, mašte makoco ekta 1,316 makoce wicaqupi na hetanhan tiwahe kinhan 269 makoce tawapi kin ektakta etipi. Wojuiyutapi 173,385 maka iyuteya icupi kin etanhan oyate kin wojuiyutapi 5,600 kicanyanpi wojuiyutapi 44,400 wašicun owicaqupi.

Sax na Fox agency, mašte makoce ekta, 2,363 makoce wicaqupi. Hena opawinge wicakiyušpapi kinhan hetanhan okaspe akezaptan nainš wikcemna nonpa wahecetuw makoce tawapi kin ektakta etipi na ieska cinca conala išnala makoce tawapi kin kicanyanpi.

Shawnees (Sawala) kin iš makoce tokan owicaqupi kin on ni unpi.

Siletz, Oregon, ekta 536 makoce wicaqupi na hetanhan tiwahe kinhan 118 makoce tawapi kin ektakta etipi. Hena oyasin wojupi eišicila yuhapi na hunš sanpa tankaya wojupi.

Sapa, Wicaša, Southern Utes, Colorado ekta unpi kin etanhan 374 makoce wicaqupi. Hetanhan 300 makoce tawapi ektakta etipi na onšpa cikicigala kicanyanpi. Makoce aminitanyanpi kta iyececa, na ateyapi kin he makoce wicaqupi kin he lila hecetulaka na heconpi kin on oyate iwaštepi kin he hel lila tanin keya.

Utah na Ouray, Utah, ekta 400 makoce wicaqupi na hetanhan 150 makoce tawapi kin ektakta etipi na hetanhan 50 wahecetuw iyohila wojuiyutapi 50 kicanyanpi.

Warm Springs, Oregon, ekta 978 makoce icupi na hetanhan 175 makoce tawapi kin ektakta etipi. Makoce kinhan opawinge kiyušpapi kinhan hetanhan okaspe wikcemna yamni wahecetuw kicanyanpi.

White Earth, Minnesota, ekta 4,078 makoce wicaqupi na hetanhan šokela wanji wahecetuw makoce tawapi kin ektakta etipi, eyaš oyasin kinil makoce tawapi kin kicanyanpi.

Yakima, Washington, ekta 1,818 makoce icupi na oyasin kinil, mini yukan kinhan, makoce tawapi kin ektakta etipi kta cinpi selececa.

Waniyetu kinhan ptebleška iyotaniyekiyapi kta iteka; ohin-nyan peji wanica. Hececa lakaš wašicun kin hunš pte wiopeyapi kta inahniči, na wanjigji ptebleška kin šunkawakan on tokiyopewicakiyapi. Ake hunš taptebleška kin Nebraska ekta casmu makoce egna owicayapi, heciya peji ota kašlapi kin etanhan waniyetu ataya yulwicakiyapi kta ca heon. Lakota kinhan hecon kta okihišni tka peji otebika yeša tokel okihišni kinhan lehanl ota nakseyapi wašte.